

NO. SOALAN : 32

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : YB. DATO' IR. NAWAWI BIN AHMAD
[LANGKAWI]**

TARIKH : 23 NOVEMBER 2017

SOALAN :

YB. Dato' Ir. Nawawi Bin Ahmad [Langkawi] minta **MENTERI PELANCONGAN DAN KEBUDAYAAN** menyatakan apakah Kementerian mempunyai rancangan jangka panjang untuk penganjuran acara-acara antarabangsa seperti penganjuran LIMA dianjurkan di Pulau Langkawi agar kemasukan pelancong ke Pulau Langkawi dapat ditingkatkan.

65

JAWAPAN : **DATO' SERI MOHAMED NAZRI BIN ABDUL AZIZ**
MENTERI PELANCONGAN DAN KEBUDAYAAN

Tuan Yang di-Pertua,

Untuk makluman Ahli Yang Berhormat, selain penganjuran LIMA, beberapa acara antarabangsa juga telah diadakan di Langkawi seperti Langkawi *Royal Regatta*, SAIL Malaysia, Pesta Pantai Tanjung Rhu, *Ironman Langkawi*, *Paintball Asia Championship 2014 & 2015*, *Festival International Sport Extreme (FISE)*, *IFMA Muaythai World Championship*, *Royal Muaythai Championship*, *X-Terra Asia Pacific*, *Royal Langkawi Classic Car Show*, *Langkawi International Bike* dan lain-lain lagi.

Kementerian Pelancongan dan Kebudayaan melalui *Malaysia Convention & Exhibition Bureau (MyCEB)* sentiasa berusaha untuk menjadikan Pulau Langkawi sebagai destinasi penganjuran '*Business Events*' (acara perniagaan) dan '*Major Events*' (acara sukan, gaya hidup dan hiburan) bertaraf antarabangsa dalam usaha meningkatkan kedatangan pelancong ke Pulau Langkawi.

Bagi tahun 2018, Pulau Langkawi bakal menjadi tuan rumah bagi program Persatuan Pengembaraan Asia Pasifik (PATA) *Travel Mart* yang dijangka akan menghimpunkan lebih 3,000 pemain industri pelancongan dari 70 buah negara mulai 12 hingga 15 September 2018 di Pusat Pameran Antarabangsa Mahsuri (MIEC).

Sekian, terima kasih.